



刻孫齊之先生松韻堂集

海虞 孫七政 著

卷五

湖上詠懷兼柬顧觀察冲菴

挂席浮五湖欲問禹穴奇南登武林岬碧海涼風吹  
錢塘潮水秋益壯疑是伍胥之怒氣爭崔嵬木蘭之  
楫那可渡美人不見空相思日飲鄴侯井爲踏白公  
堤白公堤上月可玩秋山倒浸青蛾眉恨殺澄波暗  
肝膽萬事填塞語阿誰自從信陵沒滔蕩誰復知人



閒意氣已銷盡縱有干將安用之不耻燕雀食所惜  
鴻鵠儀老驥至死思伯樂烈士暮年逾益悲東南諸  
侯孰可干吾聞虎頭之意氣橫海湄淨掃妖氛坐嘯  
間笑看天地無男兒信知國士自無雙却能倒屣蓬  
藿姿白壁黃金亦何貴千古暗結惟風期襴衡懷刺  
久漫滅若見孔融良不辭

送施大遊上谷

朔雲邊月冷吳鉤意氣橫行古塞頭俠烈自憐燕趙  
士非關插羽計封侯

送衛三官閩中

啼猿樹裏作仙官十月巖花勒馬看但惜秋來無白  
雁音書何日到臨安

贈貢鍊師七十

瀛海仙峰漾碧流尋真獨向此中遊千年甲子須臾  
事始見人間七十週

二

窈窕樓臺含素煙梅花千樹碧巖前欲知仙骨何時  
換正是秦皇改臘年



立春前二日投宿周道士賓霞家

千里寒風吹暮塵  
仙家却自早迎春  
君看霰雪紛飛日  
別有青霞伴主人

贈別陸山人纂父歸洞庭

雅道不可見  
世人空爾爲  
新交亦偶合  
垂暮得相知  
五字冰霜澈  
一身煙水湄  
惟憐賞音者  
歲晚欲臨岐

和禹錫姪陸山人纂父三月晦日觀妓

芳辰忽九十  
錦瑟再娛賓  
月晦羞眉黛  
花空謝玉人  
惜春歡更劇  
愁別思逾新  
但駐今宵意  
秋風任綠蘋

卽使六朝人命筆  
誰復能過之人  
知其輕艷

耳那知自沈著  
中來

次韻答纂父山行併柬禹錫小阮

霧山深不極  
有客在氤氳  
鳥道翠微覓  
雞聲谷口分  
坐來消永日  
行處沒歸雲  
小阮幽棲勝  
清輝若爲君

次韻詠樂壽園

綠野麗周南  
清時樂自堪  
玄風忻得一  
聖化荷登三  
月莢階前吐  
雲芝石罅涵  
因知今太史  
柱下舊名聃

次韻詠芝秀



孫齊之松音堂集  
人世蓬壺若箇爲謝家庭下產瓊芝天工剪出枝枝  
秀彩筆題成字字奇已訝薇垣多瑞氣更驚花縣騁  
仙詞先朝記訟齋房事北極悠悠總繫思

夏月園亭卽事

虛館謝紛襍暑月無炎埃奇雲鬱高樹鮮飈激涼臺  
緬眺西巘色爽氣正飛來境幽多情賞性寂寡外猜  
散髮任逍遙樗散固不材寤言中林士心迹信悠哉

宿竹房禪院

愛茲竹林勝夏日來涼風客臥晴雲裏鶯啼曉月中  
清虛淹許椽蕭散對支公欲識幽禪意青蓮色是空

夏日偕無美諸君過顧氏黃公澗新園

幽人能選勝過客愛清氛散髮空巘曲鶯啼幾處聞  
入林喧瀑布渡澗擁山雲疑近天台路與公欲問君

二

春申歸國後流水在山中不道冥搜客重攀幽桂叢  
看花作粉黛聽澗比絲桐細論千秋事清罇且莫空  
哭黃徵士淳父

友道不多見知音誰似君素心投縞帶白首共蘭醞



每學餐金液相期凌紫氛長生謂可得短計復誰云  
豈知漳濱臥便作岱宗人一代風流盡當年意氣淪  
檢書猶在日開篋但沾巾覓市無真隱求書有禪文  
玄談廢樂塵書法罷羊裙桑扈機雖返揚朱淚獨紛  
心悲握手日腸斷絕交辰傷哉竹下徑依舊華間芸  
不見朝行跡惟看暮雀羣堂前尚如意幕上已游塵  
縱有玄亭客何人是子雲自今山陽路鄰笛不堪聞

陽月三日送元美次早入玄關脩秘

萬里天風暫別離莫嫌仙路去來遲雞鳴碧海生紅  
浪便是蓬萊日出時

二

玄關杳渺秘雲煙半是人間半是仙總爲玉真傳要  
妙看君咫尺大羅天

三

千年桃熟萬年緣未許西王第一詮獨有箇中霧秘  
意方平親得少姑傳

四

海嶠山梯空復深漢家天子費招尋縱然乞得瑤池



藥不及夫君悟後心

五

術隱爲家互立門問君何處覓軒轅直從清淨窺真際至道由來本不煩

六

三疊琴心暗裏分天家微語杳難聞空憐子晉仙成去惟有鸞笙在白雲

七

以下自寓

世事朝霞那可堪兩京十帝倍相諳從今始悔窮途

計肯向迷方借指南

八

長生無計轉成愁煙駕空瞻上士求緱嶺幾時來白鶴流沙今日去青牛

九

生年少小慕求仙那可風塵五十年一悟天台舊時路翻教心斷悞從前

贈隱者勞箕山

玄風久淪喪誰抱箕山心聞有滄洲逸衡門自息陰



不知雲外路獨撫丘中琴爲語悠悠者巢由已陸沈  
訪竹林僧不遇

杖錫遊何處尋師到遠山我來庭戶寂孤月照松間  
落葉催疎磬棲鳥對掩關脩然成獨往幽興不知還  
贈涇陽顧叔子北上

潛陽動南國遊子戒行旃悠悠中州道一去何綿綿  
黃鵠思千里遊鯤羨雲天志士值明時何能自蜿蜒  
平生持寸心皎若日星懸欲將區區意爲獻君王前

二

君王信明聖周道赫然興麟鳳集苑囿多士揚廣廷  
矧茲夔龍姿德音旣和平朝奏北闕書暮召入承明  
承明何足貴所貴宣皇情保已崇今德翼翼扶漢

京

壯歌行贈趙太史汝師

昔有一臣危皇極太白晝見蚩尤直三千臣子總  
寒心敢怒孰敢披忠赤龐萌徒痛三綱泯梅福空傷  
九法斃可憐聖帝堯舜資爲奪帝鑒天心逆一  
臣噓血叫帝閣招採鸞鳳扶乾坤精忠能動聖



帝聽不能息怒奇與敦毀臯裂夔天地晦徒使壯氣  
劓崑崙吁嗟乎崑崙之山猶可摧直臣肝膽何能墮  
奕奕煌煌 聖祖業賴有此義終鬼鬼誰知不歿上  
天意未忍妖氛塞天地不然胡爲乎祥桑忽歿太戊  
朝屈軼還生帝堯世屈軼生 皇家瑞 帝痛孤臣  
卽讒蔽讒邪不歿豺虎畀臯耶夔耶來佐我今日方  
知 聖明帝當堯之日有四凶不聞親自投魑魅  
萬曆聖人何睿智君不見卿雲景星非聖祥河清海  
晏事亦常唯有嶽降及星精聖皇寶之闔八荒天生  
奇才豈虛設否泰惟茲卜窮達一身去國萬古蒙片  
言歸國羣生活野臣已老今二毛雖有壯志精俱銷  
聞此山東布詔時願少須臾毋歿覩 聖朝古稱烈  
士歿知已況復 皇恩誇虞陶君身已許 當宁身  
攄忠列良爲 帝憐但願 聖帝垂衣治長作箕山  
洗耳人

東南之美壽陳太常雨亭

東南之美涵晶淳豈惟竹箭并瑤琨有美一人嶽降  
申握蘭侍君君獨珍筆下驚湍底柱流胸中直氣虹



霓愁生當 聖世安得默披肝瀝膽輔 皇極搖筆  
吐論山亦移却笑堯庭生屈軼兩朝一心皇鑒精皇  
不敢私薦先霧此臣可使通神德三千禮樂恣縱橫  
是時朝野總寧謐欲思補袞袞無闕道心中夜自業  
業竊恐孤高名太潔白簡猶寒紫閣霜丹心已向滄  
洲月滄洲杳與三山接碧海銀濤恍明滅此中霧氣  
蘊奇絕公歸不爲探仙訣自有高堂鶴髮堪娛悅堪  
娛悅君恩空憶長安切吁嗟乎公爲國老公壽耆公  
心愛親如嬰兒堂上霧椿未八千堂前玉樹何參差  
上卿之綬作綵衣晨昏潔白乃是九華之紫芝吾聞  
忠孝本相借又聞南華之要妙純白不散神明斯來  
舍況有仙家之上藥玄霜與綺雪年年爲降玄英節  
餐之不老不白髮乃在西王之墟崑崙之巖窠今君  
甲子初周時正值黃鐘潛動日西王之藥諒已成仙  
杵千遍搗赤城會見三驅青鳥來神京不然何爲人  
間世忽覩瑤華雨滿子雲亭

隴頭吟

龍沙傳有警驃騎卽長征朝拜金殿側莫上隴頭行



長安日已遠隴水咽咿鳴流嘶舍去馬影亂襍懸旌  
不見閨中玉惟聞塞下鉦沾衣望鄉樹拭淚事戎營  
關河何足道沙塞未全平祇爲君恩重輕此斷腸聲  
又賦隴上吟

傳聞隴阪上征客盡迴遘心知雲樹外望不見秦川  
拭淚重回首肝腸斷復聯不愁雲路極祇恐別無年

二

隴頭一流水分作兩鳴泉西下客魂斷東流別思懸  
含笳悲去路照節恨歸年屬國行天盡君恩在日邊  
誰知斷腸水腸斷竟難傳

贈左司馬張公岨峽

國家養兵二百年戢士如戢嬰兒然四海可以委裘  
治百萬常使單車宣豈非節制兵所貴亦由元老師  
克全昨日東夷犯南紀武林特設新兵壘東夷已平  
兵日驕轅門大噪國紀銷東南列營盡環視煽及黎  
庶俱爲妖何當天步方日中階亂可使由兵戎唐之  
末道卽殷監姑息之政寧可容天壯王猷恃方叔笑  
談指使羣兇縛百羣虓虎伏七箸萬里山河厝帷幄



猗歟 天子真聖人推轂命將若有神一行已使乾  
坤肅再歸復見 朝廷尊問公何以能得此禮樂爲  
武韜鈐文文武竝用古長略豈事區區管與樂幽燕  
宿將舊傳經鄒魯諸生新在幕空內閒雲靜卷舒太  
清無滓亦無著此時吳越農事作寂寂旌旗花自落  
不知燕頷誅鯨鯢但說烏臺伴猿鶴却笑樓船意氣  
粗轉看銅柱風猷薄可奈天書降紫泥北闕須臾任  
馬蹄碧艸未歇蒼鷄啼坐令江漢生遐思鄙生亦忝  
門墻士空垂白髮負公知臨岐欲別何所贈麟閣勳  
名正及時

贈潘鄭二子

憶昔爲勝遊攜侶潘與鄭落日登霞峰松風灑天磴  
迴瞰惟層波煙光眇人境上有古洞門 取微徑  
攀蘿竇乳滴穿靄衣裳 入洞日尚微出洞日已暝  
相投精藍宿倏忽月微映倏忽驟雨過階下石泉迸  
雷電交晦冥飯依藉禪定名香入幽心疎鐘發清聽  
繩牀裏高足醍醐醉方 開門視天風  
古殿空嵐飛孤燈獨青瑩山溪夜寒多九月風已勁



高興猶未已衲子相攜竝清露耿浮梁落月蕩遠鏡  
斯須天雞鳴已覩朝光淨凌晨上虛閣四野復烟凝  
坐久思城郭青菁飯初竟歸策已碧溪翠微尚清磬  
遡棹沿澗間終難捨幽勝至今七載賒時時發孤夢  
臥病茅茨下陳跡想飄梗人生無定緣幽事竟誰并  
何當春風生桃源理煙艇

憶山中

堪笑支離者白頭還自愁未成北郭隱空負南山幽  
花樹衝寒發春泉帶雪流

不看桃源路一往竟千秋  
如何武陵楫勝事坐淹留

七夕咏織女催妝贈美人

天漢無波碧霧銷向來離恨擲今宵且辭月下支機  
石早渡河邊烏鵲橋

二

月鏡含羞頻復臨絳霞新剪作羅襟莫言一夕相逢  
易銷盡青天萬古心

夢鶴詩爲王世周

鳳彩舉世違鶴夢中宵澈始知緱山駕仙才匪凡轍

二



孫齊之松音堂集  
莊生蝶是化王子鶴相親欲尋仙羽去無失夢中真  
咏松化石

維松有真心千歲化爲石雖無虛濤聲猶帶寒雲色  
壽許黃門

曾將補袞翌皇猷蚤挂朝衣學隱流諫省至今推白  
簡宦情久已付滄洲煙霞別向先春賞燈火偏宜子  
夜遊只恐旌陽霧藥就長家碧落度千秋

雨中過阮將軍

一罇淹客興孤館話離情雨暗將軍樹風寒泰伯城  
薄遊書劍冷老去鬢華生偏有步兵酒能忘世上名

有懷靖江之勝寄朱虛谷

遙聞滄浪上幽勝別堪求日出桃花岼人居杜若洲  
渡江輸井稅竝海接丹丘那得逃虛客相攜弄白鷗  
雪後石湖訪周若年

蘭棹春江上梅花去路遙五湖人始到千嶂雪初消  
春日同蕙田諸君攜酒冲翁仙史山房作

臘月霰雪春未變江南春色今年晏二月東風吹不  
煥柳條含綠芳艸短惟有仙家春自深梅花樹樹發



孫齊之杜音堂集  
溪林落英時度丹竈側飛香暗結幽人心仙家有酒  
春未熟西鄰一斗勝醪醖結客攀蘿招隱來花前舉  
酒更相屬君不見商雒山中採芝叟身世悠悠名不  
朽函谷關頭幾戰場白雲一片天相久又不見天台  
羽客若可逢桃花千樹長春風此中瑤草不易得餐  
之霞舉凌鴻濛何爲折節摧眉在人世吞腥啄腐將  
何窮一杯若在手天地皆爲空今年花旣落明歲花  
復紅青山不誤白髮叟紅塵可鑠黃金容君不信子  
晉緱山騎鶴去試聽吹笙夜月中

送鹿門和尚遊清涼山

不惜名山萬里尋春風吹渡五湖陰經過赤縣花俱  
發行到清涼雪自深金粟有身非幻迹青蓮無色是  
禪心寺前松樹應西指何日東枝返舊林

贈雲溪和尚檢藏虞山

縹緲峰頭猿鶴羣遠探龍藏五千文殘經未了青天  
月半偈先空碧海雲

二

雪滿空山月滿林繩牀不語意何深由來貝葉元無



孩齊之松韻堂集  
詠獨有蓮花可證心

遊西山

霧境蘊奇賞幽蹤結遐心值此清秋節湖山恣招尋  
十日湖上飲蛾眉蕩煩襟改彼滄波適寄此空山吟  
桂密雲際華芳氣靄碧林合艸盡霧珮流韻惟清音  
不畏阮轍窮惟恐羲馭沈宿昔投城邑清晨復西岑  
鐘磬巖壑杳石礪松濤深雲路遂超忽仙駕何浸淫  
誰云山水間觸觀皆琅琳偏予夙違俗矧復年華侵  
遙聞隔嶺外煙客時抱琴從之問石髓豈息惡木陰

聽查八十彈琵琶

林居散髮事幽矚戶下葵榴照人目時聞黃鳥懷好  
音那許紅塵到空谷忽傳有客欵荆扉雲霞猶帶薜  
蘿衣手抱瑤枝道名姓使我幽人思欲飛穿花涉徑  
步瑤屐爲君踏破蒼苔跡主人爲煮石上泉客子爲  
撥鴟雞絃琵琶聲清激林木落盡閒花聲斷續微風  
隔水飄餘音蕭蕭夏木成秋陰却令雲壑避人處轉  
落關山怨別心此時颯颯幽致深空林似有人孤吟  
夏如風泉咽危石霜天月白烏聲魄一曲含情已愴



孫承之松音堂集  
神曲曲關心意何極須知曲調不虛生意氣俱從俠  
節成千金不惜傳一曲特寄生平慷慨情世上知音  
是誰子肝膽只向水絃傾我今頭顱已二毛安能更  
把良辰拋摧眉折腰豈吾事九天汗漫誰相邀只合  
攜君動蘭棹處處青山響霧竅

短歌行贈顧復惺北上

江臯芳艸亦未歇海上明霞爛昭晰南國佳人逸興  
催忽移蘭棹渡江隈江心桂魄明如玉照見天香千  
萬斛一枝影落佳人懷長風吹入黃金屋黃金屋裏  
貴少年天皇遺我書一編此書瓊字五千言一一爲  
奏 君王前君王攜上軒轅臺軒轅寶鏡無人開今  
親拂拭照肝膽男兒心事當壯哉君不見江左從來  
說人望三吳惟有顧榮才

懷洞庭張叟

偶遇洞庭叟蕭然多古風篆書宗李相頌酒述陶翁  
把別渾無語交情豈遽終卽今張仲墓宿艸徧蒿蓬

病中立秋

海國涼風至空山蚤自知壯心驚歲晏病骨易秋思



月幌蛩迎候星橋鵲應期無言一葉落千古爲生悲

梁谿道中 時自荆谿歸

夜泊梁谿棹邀懽醉舞衣曉帆隨旅發寒雁傷人飛  
霰雪長途盡梅花野岼稀君看客裘敝一似滯秦歸

寒夜顧友玉齋頭

月落人未散蕭懷仍叩扉花臺掃積雪松徑畱餘輝  
酒罷寒燈燼香銷永漏稀無端客思發三五塞鴻飛

海棠行

吳苑淒淒春艸綠西蜀名花嬌未足昨夜巫山片雨

行春風濯錦遍池亭芳條濕著胭脂色玉英竝蒂香  
堪摘仙姿搖曳總多情春風醉倚嬌無力迢迢花外  
碧雲斷何許關心正愁劇遮莫欄干春思繁嫣然不  
語渾傾國君不見千花昔照西江水猿啼天外江流  
駛春錦春江爭自妍春風總入花枝裏江花歷亂何  
繁華遙映當時臨砌花一從玉笛畱遺恨江花慘淡  
飛朝霞悠悠共作陽臺夢春艸年年空自賒祗今一  
段銷魂意還傷春風媚玉階

人日過王百穀草堂卽事



又度年華七日新停舟暫對惜佳辰帆前艸色思公  
子檻外梅花訝故人白雪是誰憐寡和青山何處不  
逢春尚平婚嫁休嫌早祗爲逍遙任此身

立春日喜張長輿至

別子不三載無端白髮催春隨故人至交憶歲寒來  
宿雪微縈艸和風半入梅生涯何必問相見只銜杯

贈侯畱

聖王播元化玄覽四域中羣生自天降立彼非皇風  
懋選仁與賢敬俾恤民功殷阜冀防逸凋瘵希鞠窮

懋哉維皇命儼若祖訓崇矧茲三吳地左輔夾鎬豐  
盈機帝織女盈野帝農工繭絲出保障絃歌挹豪雄  
匪得萬夫特孰著三考庸維我明侯至今德奕世鍾  
撫字旣稱最國課復已充岐麥方獻瑞三秋屢告豐  
雖遇堯年水桐鄉化自濃如何疾內召遽失我旃幪  
旃幪非云遠令德未云終 天子勤南顧清問下民  
痾我侯贊訐謨何以達帝聰但知小民依鴻業與天  
隆周年將過歷堯俗皆可封行觀甘棠詠不獨召康  
公



孫承之林音室集  
寒夜卓汪二客至得天字

三徑盡荒落空林惟碧煙忽來千里客愁繫五湖船  
樂聖能忘世探微易入玄獨憐人影散霜月在青天  
梅花時過沈儀曹山房

花時幾醉赤城家此日丹梯但碧霞悽斷山陽舊鄰  
笛曲中空自落梅花

二  
名嶽仙遊未是真空言瑤艸度千春只今丹竈猶沈  
火不見當年煉藥人

題畫

雨後楚江碧桃源正好尋還憐江潭上自有獨醒人  
二

細雨江花溼春流漫白蘋悠然逃名客今日見玄真  
三

厭聞車馬喧空林時獨往獨往亦何爲祇愛西山爽  
同黃清甫用明兄過趙太史山房得間字

愛君郊居勝花密覆蘿關客路重雲外鶯啼杳靄間  
交遊來白社身世隔青山自訊艸玄後滄浪更覺閒



題畫

微徑杳難知空山落清楚惟有嶺上雲若與幽人眷  
田舍歸喜值沈山人嘉則得溪字

偶然歸松徑誰道故人臨病骨看知已不令情不淡  
澗花畱夜色江艸寄春心客路如相問應憐白髮侵  
與沈山人期渡江時復面及渡江則山人抱病  
去悵然書懷

牀頭猶自宿殘樽日夜思君渡海門誰道天涯片帆  
外寒梅不語獨銷魂

三月三日書懷

上巳逢寒食芳辰倍自憐客心空有火宮燭竟無煙  
禊隔青山外花飛白髮前年年碧艸序寂寞子雲玄  
春日郊遊與止上人

白社何年入客心愁似醒春溪方結佩花外忽聞鶯  
野寺雲山好扁舟煙水清不將塵劫幻若處了無生  
詠春流

江頭碧雨歇谷口紅泉賒宛似憐春色悠然泛落花  
遡流堪弄艇隔水卽仙家一識桃源路雲山正未涯



詠徑松

三徑沒蓬蒿愛君逾自清獨依弘景臥不翳秦皇行  
古砌栖雲影虛窻帶水聲何當秋月映斯際倍含情  
和傅茂苑祇園春雪次韻

一片閒雲自可依從來吏隱不相違河陽未覩千花  
發給苑先看六出飛夜月照來空卽是春風消去色  
還非惟憐白雪歌成後雙樹蕭蕭卽紫薇

春日書懷

坐對春風欲暮時含情獨聽子規啼半生貧病休相  
訝從古文章不療饑世路浮雲輕似葉江洲芳艸碧  
於絲何須更問君平卜損益爰中已自知

偶成

東鄰吹竽復弄管西鄰考鼓還歌鐘惟有玄亭艸玄  
者朝朝靜對落花風

短歌行贈卓生

東方傲金馬季鷹憶鱸魚大隱寄朝市任達愛郊墟  
苟知古人心迹間人生處處堪逃虛卓君夙昔走燕  
市懷中湯滅公侯刺自歎朱門非素交漢庭空復多



賢豪迺知北闕上書去不及南山射獵高祗覺三公  
堪白眼肯因五斗還折腰郎官謁署不稱意苦愁廢  
飲非吾事西越東湖有幾程到家適值芳艸生拂衣  
便向此中去頓覺眼界俱澄清布帆一片五湖口登  
山忽見海月明此時一飲須數斛寧問人間醉復醒  
君不見薛邑繁華何赫奕高臺曲沼無踪跡又不見  
金谷聲容總入神綠珠行處今埃塵眼底浮雲何足  
貴吁嗟乎石家薛邑寧堪論卓君信是達生者非復  
悠悠世路人

代贈趙廣文先生先生閩人也應北畿主試復

應禮闈春試

微言如綫道易溷先生獨遡關與閩人文日靡摧太  
樸先生獨惜玄黃琢炫采雕幾了不奇淡心一尚正  
始時始識精華盛吳會更道蘇湖重得師一日蜚聲  
走帝都文章高價薄雲衢峻築黃金延上士趙家白  
壁天下無月窟羣英待君致日邊紅杏隨君舒精英  
蕩漾君王側看君朝奏承明廬君王有道正側席不  
採春華採秋實三策惟知董子精萬言豈厭劉蕢直



吁嗟君王正側席君不見吳山葱鬱含網緼不惟篠  
蕩兼瑤琨干將瑤琨帝鴻寶願君羅致君王前爲輔  
君王道

代百川祝李元涇壽

生日之明日逢立春

獻歲祥風自南極扶桑早見氤氳色明日春傳太史  
家今朝花滿羣仙宅仙宅邈邈幾萬重君家佳氣最  
葱龍樓臺香見十洲外洞壑分明三島中此中笙歌  
鬱如沸半入煙霞半人世主人鶴髮顏色童仙才儒  
行多家風禮樂近傳周孔絕道德遠遡玄元宗七十

甲子一投核欲齊王屋何終窮君不見生年上壽古  
云少況復齊眉人共老天爲君家錫鳳毛翩翩振翮  
摹鴻霄乃知眼底浮雲何足數壺中日月堪逍遙挂  
冠不入西都市浩蕩煙波那可繫桃源歲歲芳艸生  
蘭棹春風供睥睨却云仙籍謫人豪不是滄洲容傲  
吏予生交誼遍寰宇意氣如君豈多許把臂猶懷少  
小年馬蹄花月何容與今予久臥東山雲一丘一壑  
誰與羣溪心願借新涇水萬里滔滔長似君

送趙廣文北上



孫齊之柏音堂集  
月華如水映秋江仙棹飄飄入帝邦縱說清時多俊  
彥趙家白壁總無雙

二

廣寒秋氣薄天飛萬斛天香近紫微月殿待君分桂  
子春風贏得杏花歸

時典北畿秋試

三

文章吐氣已成虹水鏡由來亦至公若欲君王知伯  
樂須教冀北馬羣空

孤鴻篇

孤鴻曾向曲中聽哀怨分明玉柱間夜夜碧天空顧  
影年年青海獨飛還不辭漢苑傳書切祗怯胡沙逐

伴艱

恨殺西風吹斷嘆  
百萬缺衣俱壯士

一聲

先到玉門關  
悽斷總潛潛

落句泣岐推敲數年終不若本來之神來情  
來也詩貴自然信哉此當與西出咸陽門哀  
哀淚如雨夜闌更秉燭相對如夢寐等語齊  
驅良工苦心誰則知之

元夕雨木冰雜雪卽事詠懷

遮莫春來雨雪連九微香斷六街煙 君王別有豐



孫齊之松韻堂集  
年瑞應是東風妬舞筵

二

不愁明月妬青天今歲風光別自妍銀燭家家深雪  
映冰花樹樹百枝懸

三

人間不見銀河曙天上曾聞彩艷稠二十四橋應有  
月欲隨魂夢到揚州

刻孫齊之先生松韻堂集

刻孫齊之先生松韻堂集

海虞 孫七政 著

卷六

金陵遊記

僕是時也十上長安矣安仁之鬢已改而劉蕢之  
策未售故其詞多怨激之風他若送別登高尤稱  
悽惻蓋途窮知罕不能不痛惜同聲矣

立秋前一日新豐道中

涼氣迎秋至新豐客思催溪雲隨馬暗江雨逐帆來



晚歲猶干策明時少棄才因思十年事一使壯心哀

龍潭道中

問君龍潭勝何似剡溪濱日影懸岬見江聲隔岬聞  
穿林時罨石度澗每攜雲蘿月知人意清光映夕曛

二

路覓龍潭破客愁風光宛在鏡中遊江聲半帶松聲  
聽雲氣常和花氣流暝宿人煙微映月遙分樹色迴  
含秋明朝西去長安近翻笑紅塵走白頭

偶成

十上長安白髮催深宮花艸轉堪哀秋江解照芙蓉  
色不怨西風九月開

長安十六夜對月擬古作短歌行兼柬水部歐

楨伯社友陸無從

長安今夜青天月曾照長安幾圓缺今古悠悠淮水  
頭多少關山怨離別離別復離別腸斷還愁絕月缺  
更須圓年華空自捐誰家對此清光內天涯一去不  
相憐誰家攬取明鏡裏白髮不來催少年清光明鏡  
兩相催白髮天涯真可哀兩京六代須臾事百歲歡



孫少卿之林音堂集  
三十七  
娛能幾迴人生銷鑠風塵側黃金亦須變顏色蓬萊  
亦淺海可窮富貴繁華豈終極不聞千駟垂鼎鐘但  
見首陽存竹帛乃知萬事盡微渺獨有榮名以爲寶  
麒麟閣上勳可策草玄亭中身可老不然傲世金馬  
門豹霧龍雲雙天矯丈夫窮達總棲神何必栖栖問  
玄造只使名畱天地間萬古清天月長好

秋日同新安程子虛汪仲嘉閩中馬從甫集歐

水部座

木落秦淮雁字新西園詞客總陽春雲霄共負千秋

氣江漢相逢一日親遠調最憐天上羽宦情不染酒  
中身從教水部多才藻自古風流得幾人

贈柏臺林東瀛

有序

林筮仕嶺南以忠信感諸徭俗苦辛特至繼遷畱  
都進柏臺如初節益不歸閩者已十有五年矣少  
與予家兄弟爲莫逆交今伯子已作而仲亦二毛  
每見之悽然也故首章述其精忠之篤次章敘其  
愴往之情

嶺雲江水幾千尋若比夫君意轉深忠信已知金石



貫風塵豈爲世途侵家違東海唯孤夢鬢改西京獨  
此心共道漢廷方側席子雲休自歎淪沈

二

與君何處結平生少小通家兩弟兄霰雪浹旬將別  
意靡蕪千里未歸情自從田氏分荆樹祇見山陽有  
笛聲悽斷不堪論往昔爲君翻使夢魂驚

送禮上人北遊

問師何意獨擔簦路遶燕山朔雪凝一鉢偶隨雲出  
岫閒心還在玉壺冰

題畫竹

蕭蕭法林中清風兩三竿空色了無染大界俱生寒  
贈臥雪翁陳將軍

長安一夜雪三尺江流不動匹練色此時閉門僵臥  
者故時名在東陵籍信陵俠骨巴山丘腰間寶刀空  
自愁明朝雪上有虎跡且射白虎西山頭

與諸君讌集秦淮水閣得十一尤

欲訪名山賦遠遊邀歡重向白門畱攜將彩筆招藂  
桂嬌殺紅裙妬石榴六代繁華衰艸色一杯江漢暮



雲秋筇篻曲盡美人去唯有清淮映月流

擬九日登雨花臺得九佳

龍山有逸興彭澤多高懷此日登臨會風流復自佳  
旃林宿雨暗江樹暮雲埋別買千金笑巖花贈玉釵  
又得十灰

山遶南朝寺人傾北海杯獨憐霜菊藥偏雜雨花開  
旅雁風前切長江天際來欲關離別意今日故登臺  
爲楊六姬和韻

客路青山費馬蹄夢回殘月楚雲低翻疑淮水添雙  
淚不盡芙蓉枕上啼

集王永叔座詠月得六麻

長安片月各思家此夜知音情倍賒却怨清光正三  
五明朝江上獨乘槎

又詠燈得十一鹽

銀燈金剪夜厭厭長使花枝落綺幃最是西園秋月  
墜多君猶映水晶簾

又詠酒得十灰

那得愁顏醉裏開相如特換鸚鵡來縱教俠客珠千



斛不及王孫酒一杯

又詠楊小姬得四支

盈盈波上邂仙姿步步移  
嬌嬌自隨風半海棠猶正  
睡却教微雨濕胭脂

九月十四夜江上對月有懷

秋霽江偏好月明潮更雄  
可憐歸思切回首別新豐  
噉噉來賓雁青青去路楓  
何當正三五還得故人同

江上逢張姬

思歸江上若愁何奈有佳人  
影翠蛾一笑同心堪解  
珮不如司馬淚偏多

江霧中夜發東口紀勝

風便客帆發蒼茫寒霧籠樓臺  
疑蜃氣星月似龍宮  
海旭晴催曙江湖夜爍紅  
欲窮枚叟思須向廣陵工

自金陵歸將移家有感

百年過半老江濱  
麟閣寧思可著勳  
散盡黃金因好客  
惟餘素業在論文  
移家此日悲王粲  
載酒何人問子雲  
獨惜春深三徑裏  
名花空自落紛紛

自慰



孫齊之松齋堂集  
荒徑依依菊藥新此身今已任亨屯黃金散盡方齊  
物碧海遨遊始絕塵句裏能工真自適罇中有酒不  
爲貧須知玄艸元非白何用聞嘲夏解人

感遇

昨夜秋風發寒光萬里來今朝清鏡裏白髮暗相摧  
志業竟誰就空驚節序催魯連有高蹈去去莫遲迴

二

結髮事墳素探竒伏高節往往賢聖流感遇怨窮達  
意云良未然才在道非拙流光忽欺人未顏漸華髮  
兀兀玄自草矯矯賦投闕百戰嗟數竒三泣希晚達  
黃金乏良媒白壁終自絕始知叔季世鸞鳳獨嗟啜  
亭伯竟蕭條劉蕢徒槁寂不怨途遄迴但傷時薄劣  
空負君王心中宵遲明哲

答王問伯索許玉杯詩因之寄慨

回首長安恍自驚最憐花底出瓊瑛青樓劇飲愁雲  
溼錦瑟頻調醉月明慷慨相投非按劍君王雖棄是  
連城願將白璧無瑕意看取生平一片情

許關下逢竹西袁六便寄無從陸大各一絕



孫齊之松音堂集  
細雨孤蓬挾小姬關頭貰酒結新知大堤行盡應回  
首一曲靡蕪最繫思

二

月明秋浦別知音花落揚州信未尋漢帝廷中重新  
語夫君莫貴尉陀金

詠美人走馬效齊梁體

新調天上種試閱鏡中人頰亂桃花色腰翻紫燕身  
永辭絕域嫁微起長干塵只恐君心變換妾走西秦  
月下與俞孟武仲懋

千里得良朋十年始一晤清風開人懷日夕道親故  
中宵對佳月花影忽窺戶玄讌遺世情高譚雪襟素  
四壁啼寒螿啾啾若相訴感此蕭序臨傷彼美人暮  
願君採芙蓉無令委涼露

中秋夕戚大將軍胡督府招諸詞客同汪司馬  
讌集西湖舟中得七陽

征南舊節駐錢塘雲會雕龍興獨長秋水乘槎天覺  
近夜珠盈座月爭光洲前島嶼憐青黛露下芙蓉聞  
暗香最是謝公多遠意爲君清嘯據胡牀



十六夜喻司馬招同汪司馬西湖翫月得十一

真

風流白傅絕無塵喜狎閒鷗綠水濱樽酒不辭傾北  
海文章寧肯屈西秦六橋秋半明珠魄孤嶼花溪泛  
玉人莫道月華容易缺清輝長映彩毫新

湖中十六夜逢春盡

海月盈盈吐碧空岼花無處不隨風嫦娥亦解愁春  
盡倍照春心此夜中

邵長孺以詩投贈答之

邵新安人號楚岳  
爲戚大將軍幕客

乾坤莽莽狎鷗盟一笑逢君卽自傾不拜將軍知俠  
氣獨憐騷客見交情秋深楚澤花初冷潮滿錢塘月  
正明莫問邵平窮達事且陶杯酌寄平生

美人限韻口占

舞衣無日不生春八月桃腮妬殺人一擲千金難博  
笑却憐詞客竹枝新

飲顧柱史青嶼湖庄

秋風蘋末楚江寒漫學乘槎理釣竿吏隱獨尋芳艸  
伴酒人偏爲素交懽明霞散綺杯前落碧水牽花鏡



裏看解道玄暉詩句好日宜清嘯倚闌干

大椿齋爲顧不疑作

羨君容膝地而有干霄樹樹是生平手自裁祇今三十春秋來不學艷陽桃李姿不似人間樗散材清陰每映墨池側霽氣暗接佳辰色星辰天上種白榆大椿却傍幽人居八千旣是大椿歲笑看天地皆吾廬

贈戚大將軍

吾觀古良將不在勳名間信陵義感七國士諸葛惟殉驅馳言精光遂與日月爭至今肝膽猶炳然此義

從來亦多昧往往勳名顧爲累將軍不特樹勳早還輸意氣凌秋昊三朝幕府皆冠軍百戰邊庭虜如掃鯨海先清萬里餘龍沙又脅兩單于鐘鼎旂常總不磨將軍殉國心自虛邊庭未謐中夜耻散盡黃金報天子天驕猶向馬上生寶刀羞殺匣中歿天下無論知不知盡道將軍真國士將軍談笑坐生風西京俠烈季心雄酒中不錯軍伍事貴來却憶蓬蒿蹤卽今移節去南粵雲會雕龍飛玉屑未下錢塘八月潮先泛西湖木蘭柁千里金蘭司馬來相看握手生悲哀



何爲結髮事戎壘白首還將渡瀘水雖添白髮照水  
底喜得丹心終不已矧逢廊廟正清夷麟閣圖勳君  
自知採薇江漢俱遣將重君神武君何疑蚤奏南番  
凱歌曲爲題王粲從軍詩

詠懷二十韻投贈俞使君

泱泱乾坤內淒涼叔季餘文章日彫喪風義益蕭疎  
浩歎冥飛鵠翻成涸轍魚壯心多感激扼腕自踟蹰  
十上長安策三千宰相書暗珠爭顧盼璞玉但欷歔  
從此迷津悟高看浩劫虛百年渾過隙萬事卽歸墟

絕意孔融薦甘心元亮居沈酣千日酒曠蕩五湖漁  
偶憶沙光好仍憐爽氣初山空還弔岳濤怒却悲胥  
今古俱銷魄幽貞愿返廬謝賓驚驛馬照座滿璠璣  
岐路憐孫楚風流得應徐氣雄千古失意豁百憂除  
樂廣真懸鏡鄒陽好曳裾獨銜哀駿骨垂老服鹽車  
意氣一相諾塵寰總不如平生有肝膽今日爲君舒  
同郭次甫俞孟武攜酒從汪伯玉舟中飲

滄波日日弄扁舟不獨風光爲我畱斗酒自從稽叔  
飲名山只共馬遷遊千巖木葉催寒色幾處芙蓉媚



孫齊之松齋集  
素秋病裏一聞超劫語却令銷盡古今愁

自武林歸至婁東謁王元美暨汪伯玉三昆仲

作送別詩

并序

是別也元美暢達生之旨欲伯玉之忘情於別夫  
別藉忘情別能無愴忘由惜別忘亦有情此無情  
之情情所獨至元美之寄意於伯玉者篤矣故詩  
意悉之

客遊滯江介秋晏還舊邦舊邦信多美牛斗何精芒  
正值朝陽桐千里集鳳凰東美旣雙壁西土復崑崗  
知音別已久促讌訴衷腸奈何雲雨蹤會合不可常  
十年一握手宿昔成乖方祖送奔濤上賓從感慨慷  
一聞達士規四座爲生芳結交在寸心豈惜長參商  
矧暢逍遙旨神遊罔象鄉暮別流沙外朝會若木陽  
何爲自戚戚結束懷恓惶此理實大觀持獻萬年觴  
行止各努力黃髮期壽昌誰知松喬術不遠岐路旁

藤溪待月

暝色煙際淡寒梅斂清影幽客澹忘歸愛此山中靜  
深夜開衡門峰頭月華冷感彼太古魄常照中林景



孫齊之松音堂集  
經頂山廢寺

山寺寂無僧空門白雲冷惟有寒梅枝悠然照潭影  
山行

偶同鹿皮翁來訪山中客春風在梅花翳然行艸澤  
隔嶺松濤來空山拄孤策

二

悠悠山中人藹藹雲際宿曉起尋春泉梅花滿空谷  
山溪無行踪邂逅千年鹿

坐瑞石泉上

泠泠水聲中松風汎寒雨借問峰頭雲泉自何年許

中峰石潭

潭影落空山孤雲碎寒碧誰知桃花源可比青蓮色

已上六詩同沈嘉則禹錫姪倡和

重經廢寺

峰頭花滿白雲溪古寺荒涼門獨鎖虛幌猶殘貝葉  
經空潭自映蓮花座蓮花貝葉自何年想見當時寶  
地緣禪院亦隨桑海變益知空妙是真詮

賦得江南春爲陳雨亭贈李祠部乃翁 時李



自北都迎養南都李卽同魏柱史論閣臣子  
場事者時同作南都郎

江南物色春偏早帝里風光春更好處處花飛繡戶  
風家家燕語雕梁曉粉署仙郎春思遐思親夢結天  
之涯春風不隔思親夢飛渡燕京千里賒兩京風物  
總陽春可奈迢迢望白雲總作黃金臺上客曾似歡  
迎膝下人而況君家翁學道多玄風達生已做漆園  
傲玩世還同柱下工秀眉鶴毛膺帝封春風花下愛  
扶筇一朝綵鷁渡江水江上倒插金芙蓉忻然笑向  
仙郎道始信江南閬苑中豈知閬苑無窮路曾似仙  
郎接朝暮一日春風當百年百年常作地行仙傾都  
爲薦仙翁壽帝里風光真自妍君不見金陵春色總  
云嘉箇裏年華未足誇仙郎自得娛親術獨以善養  
凌高霞魏家柱史摩天力手撼鼇極天無色筆補造  
化誰有膽君家郎君奮鵬擊此中春色映今古長使  
皇家壽無極因識君家九標李韓終仙種無凋易豈  
學人間桃李姿謾向春風作紅白

代陳雨亭贈鄭武選乃翁翁雨亭同年且三壽



作朋七子侍養

與君猶記曲江邊此日春風接壽筵  
荆樹却疑芳桂種萱花不媿大椿年  
已知好客當時俠更喜傳經小  
鄭賢真樂盡從人世得何須蓬島問神仙

又贈鄭武選乃祖嶺南尉

迢迢炎徼一官卑那得人傳墮淚碑  
只爲冰心施惠政海塘何愧鄭公陂

二

道家因果本無虛才大何嫌位不舒  
一自于公陰德後知君世代有高車

贈周解元乃翁

與世本無迂自因嚅道真詩書塵外業  
風月洞中春白首輕高蓋青雲寄後人  
只今三徑裏二仲許爲鄰  
飲陳彥升家得錦字

江城春夜花如錦笑倩佳人簇花飲  
此夜西窗燭影微爲誰畱薦巫山枕

同沈嘉則飲陳彥升

多君愛清夜爲此秉燭遊花月  
弄微影嫣然破客愁



孫承之松音堂集  
娛情一沈醉惜別十餘秋不道席門內能令長者畱  
花朝之夕送沈嘉則爲海上之遊

可奈故人別桃花正欲開爲憐芳菲節秉燭向池臺  
客思江雲靄征帆海日催山中一罇酒旦晚待君來  
夜起對月與莫廷韓兼柬秦仁季

蕙帳松窗清若空驚看夜月清晝同美人不見空竚  
立嫣然花笑春風中花明如月月如水露濕花香香  
露泥別有名花發淺紅紅杏樓頭燦於綺已訝霓裳  
下碧空夏道霞明清鏡裏可惜花開如有情可惜花

發令人驚憶昔春風澹蕩時綺情逸思爭芳菲只今  
綠髮半成絲索莫春風對月輝昔日西園共遊者半  
作寒灰半朝野落落曉星三數人坐成千里誰相親  
今朝喜見同袍客譚笑春風忽有鄰不知蘭槩去何  
津只尺花源路不分明朝共逐煙水上愁見飛花撲  
春浪試卽春愁比落花落花紛紛愁夏賒世間縱有  
揚州鶴不若傾錢付酒家

春盡日徐司理大滌過訪約次早尋禹錫山居  
多君蓬徑枉高車四壁蕭然但碧霞巖壑正逢春盡



日芳菲爭奈筆生花從來雅調偏憎達自喜名山不問家莫道嗣宗貧特甚林中西賞舊云賒

春後陪徐大滌沈嘉則訪禹錫姪藤谿山居即

事得遊字

興僻煙霞猿鶴愁山花飛盡日冥搜初疑谷轉通仙路翻訝雲溪誤客遊翠佩不遺人獨杳洞簫何處水空流若非嵇阮能招隱那得孫登澗壑幽

送沈嘉則還越

有序

伏枕間忽枉嘉則留別之作有云貧賤未為苦骯

髒多不平感君知己荷君情深遂和別韻以旌別

後相思之無已云

海客挂帆去曉猿猶自驚滄洲一片月此夕為君明物外已懸解人間任不平心知別鵠操絃絕獨淒清

沈侯頌德詩

悠悠遡玄化太上何敦龐皇風一云邈吏治日以荒小鮮既糜爛大國豈安康徒令寰區內蕭然薄陰陽炳哉 皇明世至德侔陶唐 列聖寶熙洽我 皇振頽綱執象往四國吹萬悅羣方獨鏡穆清上揚旬



實舊邦古云端本治寧復踰此疆今茲供億煩民力  
亦以厓矧當濱海邑三年舞商羊滄波詎可擘繭絲  
歲輸將 帝曰在廷臣疇克舉循良唯侯有成政鸞  
鳳遂來翔下車泣海溢行陌勤川防煦嫗若赤子至  
心格玄黃服古尚文教順俗殷農桑一朝洗凋瘵千  
里歸流亡昔者無家室今者有蒸嘗昔者無田畝今  
者有祈禳昭昭明侯德侯德孰可量湛湛 聖皇恩  
皇恩卽穹蒼嗟哉山澤癯夜吠不驚厖散髮北窻下  
咏歌寔相忘何以徵侯德膏露歲穰穰何以頌侯德  
作詩示周行

休上人房贈美人同賦衣字

繡佛齋前香氣微可憐行雨亦霏霏看來一片青蓮  
色疑是空花作舞衣

代詹廣文頌沈令侯

結髮探往牒喜觀大國風緬唯三吳化開自伯與雍  
又聞言游學菁華蔚爲宗諒多仁賢澤何當振遺蹤  
昨蒙 聖朝惠注選適相從拜 命至斯里曠然豁  
心胸大國旣云覲仁賢復遭逢時俗或操急君侯切



瘵恫時俗皆簿書君侯秉穆雖曰惟俎豆間可以震  
羣龔春秋再釋奠肅肅清廟中黍稷豈不潔牲牲豈  
不豐民力實普存至治馨香通悠悠青衿士服禮無  
惰容仰淑先賢訓俯鑒君侯衷鄙儒自荆產一旦若  
發蒙四時將事暇絃誦且歌鐘 聲君侯教樂與羣  
彥同洋洋表東海文治鬱以隆在泮有芹藻枝葉何  
丰茸采之獻君侯明德日以崇

送雨亭陳太常北上

揚帆至江上北固秋雲飛升高指仙棹送客登 皇

畿 皇畿何悠悠雲翼何霏霏暮涵江淮潤朝出蒼  
崕隈君雖負逸氣暗結勳華期再爲東山臥三作蒼  
生師藹藹在廷時疇不待詢咨君謀叶臯益言出代  
綸絲 皇圖百億禩賴此賢哲維自昔憂無虞戒哉  
切遺思密勿贊經綸海縣生膏脂始知蒼崕雲可以  
覆蒸黎

送殷無美之任夷陵

故人西去錦帆開握手江干酒一杯入郢自能傳白  
雪過秦空復辨沈灰休將哀怨投湘賦須信 君王



孫齊之松韻堂集  
識楚材別後秋風日千里寄來蘭佩莫遲迴

壽徐翁

朝稱耆德臣鄉尊不貳老顯晦雖異踪踐軌非殊道  
緬觀南州孺虛懷抱冲灑純白希天遊歿真秘鴻寶  
自少生高門黃髮無異好雖有素封資詩書自幽討  
無懷與葛天澆風盪如掃今茲花甲週霧節屆秋顛  
玄露零高穹桂魄何皎皎嗟彼歲寒交霞觴薦瑤艸  
相期間煙客長風駕仙島晞髮若木枝羽翰獨輕矯  
回看庭前樹祥鳴集鸞鳥

十五夜與張幼于同賦

愛君叢桂小山阿秋半煙蘿足嘯歌月到今宵光  
夏好人懷千古思偏多不知涼露催青女剩喜輕雲似  
翠蛾萬事總淪肝膽內只將明鏡付嫦娥

十六夜聯句

夜半躑玄賞秋空月倍明黃不知夏漏永詎惜酒杯  
傾張輪滿河難澈光搖鵲易驚孫從教人訝晝無奈

素娥情阮

又探桂聯句



孫齊之松音堂集  
共步池邊艸來看月裏花阮天香落雲漢疑是夜乘

槎孫林影懸秋藹蛩聲浥露華張如何戀清賞只愛

小山家黃

張幼于席上逢葉茂長因送茂長爲豫章之遊  
竹下逢君興不孤匡廬秋思動吳趨生憎柳色催行  
旆却喜鶯聲傷酒壚惠遠東林鐘尚在陶潛三徑菊  
應蕪知君到處江山重莫道乾坤一腐儒

題三竹圖

世寡歲寒交柯葉易凋易何如王猷庭清風對三益

月中聞雁懷王世周

忽令秋思落高臺雁到天涯人未回正是西園飛鏡  
滿一聲初過楚江來

二

王孫憔悴向江潭裘馬飄零老自甘只有南朝蕭寺  
好知君詩句半禪龕

聞雁

王孫愁劇不知愁蕙艸淒淒空白頭一自西風吹雁  
過忽驚江上又窮秋



檜江篇爲徐君壽

虞山有仙幹古檜天下奇分星若自白榆種大年不  
讓靄椿姿白榆靄種何歲月八千春秋爲一日彗漢  
摩空宿紫氛栖鸞集鳳多氤氳一枝照見江中水月  
桂婆娑正相似江頭逸士南州豪八月乘槎泛赤潮  
遙看檜影若巨鼇欲釣不可江風高挂席直破三山  
濤金銀爲闕珊瑚嬌枝枝盡射蓬萊底樹樹俱連若  
木梢此中真人雙眼碧抱弄日月餐靄液不知天地  
剖玄黃但使胸中守純白南州逸士羽人家葆秘性  
術希凌霞自今一覓仙之涯其生無涯戴三花只攜  
桂影與江月長泛清秋八月槎

壽荆溪萬徵士

萬壑千巖淥竹涯懷真抱朴主人嘉門高盡識尚書  
第道隱偏憐處士家好客豈曾虛竹葉尋春何必問  
桃花知君玉洞多瑤艸欲採芬芳獻紫霞

代贈邑侯

宜祿

宜爾民宜爾人皇監孔殷維爾親錫爾天祿永無垠



宜子

民爾顧民爾復維皇父母亦爾福錫爾子孫永膺祿

錫之壽

帝釐下土誰最良躋民仁壽維爾臧錫爾難老永休  
祥

佑之德

千仞翱翔下鳳凰帝相九州爾德芳翼爾天爵佑  
聖皇

戲贈子虛阿咸別妾恨

浥盡啼紅不忍聞一生恩愛片時分那堪謝傅懷中  
月忽作襄王夢裏雲

二

生憎柳絮逐飛塵白首長憐蕙帳春不見桃花嘶歷  
下空持紅粉贈他人

三

欲與蕭郎訴斷魂且防鸚鵡向人言石榴裙上應相  
解看取蕭娘別淚痕

四



天長地闊在須臾  
歌舞教成不自娛  
漫結同心終別去  
從今休復掛流蘇

咏鄭櫻桃

萬種宮花發櫻桃  
總絕人可憐  
傾國色空自落胡塵  
至夜夢神仙授藥  
至日有喜

陽和布漢日寒谷  
變鄒年煉藥方  
初秘臨風意欲仙  
鳥鳴俱是律雲起  
盡非煙寄語知音者  
王孫碧海邊  
白雪引

少小常思煙駕行  
每調玉柱寄新聲  
晚來誤受風塵  
汨青鏡年年傷白髮  
十年綠綺掩浮埃  
一片青霞空在懷  
今朝欲吐青霞氣  
遙向天涯問同志  
久調絃柱絕新聲  
令人翻訝懷中意  
改却冰絃換却聲  
故心宛自絃中至  
碧樹迢迢千嶂雲  
桃花玉洞萬年春  
一去天台緱嶺路  
豈復勞勞誤世塵  
世間不見百年人  
何事空嗟甲子新  
從前試理尋仙意  
心斷飛花綠水津  
贈方士

男兒生世間  
意氣橫千秋  
常苦時厄塞  
胸填今古愁  
世平不用俠  
烈士太玄雖  
絕空白頭  
不如滄海覓奇



跡快意五岳吾遨遊安能老死甕牖下且或摧眉折  
腰見王侯道人本奇客散盡黃金事仙籍踏遍名山  
歸去來人間一半成灰埃始知甲子特須臾何用勞  
生傷壯懷一心去授真師訣萬事紛紜等飄雪從教  
眼底足風波自笑壺中偏日月匿光使物疾禦風調  
戲三昧指掌中但悅長房挾仙術豈學文成入帝宮  
道人謂此聊寄意仙家小果非大通君心自重長生  
藥霧期且結扶桑東君不見蓬萊清淺尋常事忍向  
窮途懷短計平生書劍雖自工苦無羽翼凌長空世  
途勲業雖自奇恨殺頭顱如雪絲蚤向煙霞證仙學  
君不見燕昭華表鶴空歸

雪後

積素照寒月松風來颯然幽人撫清景髣髴瑤臺前  
若見素娥臨如聞鸞佩旋寂寂竟無語星河燦遙天  
歲晏無知音耿耿空自憐

二

積雪滿山川空林絕行跡窮冬百卉腓煙光澹虛白  
惟有巖前梅殷勤候春色雖違素心人恍然若相覲



刻孫齊之先生松韻堂集



